



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

Prænotatio.

urn:nbn:de:hbz:466:1-12221

SUBDIVISIO TERTIA.

Trinitas diversorum ex vestigijs propriè,
Dei, id est, alijs naturalibus conscrip-
ta & ad SSS. Trinitatis myste-
rium accommodata.

PRÆNOTATIO.

Tria in magno hujus mundi opere cogitare debemus; quis il-
lum fecerit, per quid fecerit, quare fecerit, inquit S. Aug.
in sent. sent. 141. Dixit Deus fiat lux & facta est lux: &
vidit Deus lucem quod bona esset. Nec author excellentior est
Deo, nec ars efficacior est Dei Verbo, nec causa melior est, quam
ut bonum creetur a Bono. Et S. Bern. serm. 3. de Pent. poten-
tissimè, inquit, ex nihilo omnia, sapientissimè pulchra, benignissimè
utilia sunt creata. Et ideo S. Antonius cuidam roganti quomodo
in eremo sine libris vivere posset, respondit. Meus liber, o Philo-
sophe, est natura rerum a Deo conditarum, quæ quotiescumque
mihi libuerit, libros ipsius Dei ad legendum suppeditat: omnes
enim creature (etiam præter homines & Angelos) licet non
sint imago propriè, sunt tamen vestigium quoddam Dei, repræ-
sentantes Deum, sicut causam effectus; & consideranti earum
naturam, actionem, dispositionem, determinationem, mirabilem
omnium inter se consociationem & ordinem, non solum videt eas
Divinâ ratione & sapientiâ conditas esse, & conservari; ve-

G g

rum

*rūm etiam obscuram aliquam imaginem, seu potius vestigium
Divinæ Triadis invenit. Prout sequentibus manifestum magis
reddetur.*

S Y M B O L U M 1.

*Tria in omni actione Physicā, Agens principale, instrumentum
conunctum, & separatum.*

Finge ter augustæ depingi Virginis ora
Forsan Apellæâ, vel meliore manu.
Est princeps hic pictor Agens, artisque perita
Juncta manus, calami munere tangit opus.
Sola boni princeps operis Trias, atque magistra est;
Sis homo ceu calamus, vel quali juncta manus.

S Y M B . 2. de eodem

Indolis ingenuæ tria quæque scientia præfert,
Et tria servili qualibet arte vides.
Humano princeps operans in quolibet actu est,
(a) Omnipotenti est operis causa suprema Trias.
Proxima cunctorum sunt instrumenta laborum,
Sunt etiam doctis dicta Remota sophis.

(a) Communia totius Trinitatis sunt omnia creabilia, dicit D. Dion. cap. 2. de divinis nominibus.

S Y M B O L U M 3.

*Tria sunt omnia: & ipsum Ter in omnem partem se effundit.
Arist. lib. 1. de cœlo & mundo.*

MAgnum Aristoteles, tria sunt, ait, omnia: constant
Principio, medio, fineque cuncta suo.